


BAKURUBASANNI

(nîmôrc 12 songo)

Mali kono = Dôrôme 300

Afînki kono = Dôrôme 600


Jamana were = Dôrôme 1000



Kunnafonisèben bota kalo o kalo. BP: 24 Téléfoni : 21-21-04. Bozola Bamako-Mali. San 30nan boko 365nan A songo : dôrôme 15

Zuwenkalo san 2002

Goferenaman kura sigili hakilinaw



Goferenaman kura

Mali goferenaman kura sigira ka ben ni peresidan Amadu Tumani TURE haminankow ye a yeminnu lakana cogo bëe la. Kunnafonisèbenwyekuma bëe fo k'a soro ATT ta tun b'a kono. Don o don u tun b'a seben ko karimasina bëna ke nin minisiri ye. U ye waati jan ke u dasogo fôli. Ia sanko paritiw lémogow ni peresidan Amadu Tumani TURE cela la.

Nkajamanakuntigibora bëe ni san ce sije fôlo min na, o kera goferenaman lémogoo

sugandili ye. A y'o ke mogo ye min tun sen te jamana kònkokpolitikikow là n'a tun bë ka faso joyoro fa lasigidenya sira kan jamana were la. O tun wajibiyalendon, k'a sababu ke depitesigi ka!ata labenni konuman ye jelenya ni laadiriya kono san 2002, zuluyekalo nata tile 14 ni 28.

O kofe, geloya were mintun be Mali goferenaman kura sigili la, o tun ye mogo soroji ye jogo ruman fila tun be soro min na a ka baara hukumu kono n'o fôlo ye

goferenaman baara yere donnakariliye, walasa wale daminenew kana jo; Jogo filanen be limaniya kofe, bawo goferenaman kuntigi kura man kan ka tème kalo damado kan a ka baara la. Jamana kintigi Amadu Tumani TURE ka jate bora Amedi Mohamédi Agi

HAMANI kan jogo kofolen ninnu be soro mogo min na. Kunnafonisèbenw de tun b'u ka ~~wolof~~ baro la n'o te ATT tun y'a ka goferenaman kuntigi sugandi a be dögokun damado bë.

Kow taacogo tun b'a sementiya koparitiwni ATT yere demenijekulu «ACC» bëe bëna minisiriya joyoro damado soro. Amedi Mohamédi Agi HAMANI ye politikitonw ka cidenw dalaje kerenkerennenya la u ka bolodijéngéma jekulubawn'oye «ACC» ni «ARD» ni JIGIYA 2002 ye, olukamogoyamarualenw, k'a nini u fe u kelen-kelen bëe ka mogo saba, saba di, olu ka don Goferenaman na u ka tònw togo la, nk'a kana ke tònw kuntigw ye. Nka pereperelatige min kér'ye, o fôlo ye dansigli ye u diyanye minisiriya ninini na. U yamarauyalen te ka mogow di u yerew sajona joyorow bëdi minnu ma.

ne 2

KONKO

Baara wajibiyalendou minni kala ra goferenaman kura la ne 2
Goferenaman minisiri kuraw ne 3, 4, 5, 6, 7, 8
SEMUDETE baka yere nini ne 9
KUPUDIMONDI 2002 ne 10
Jagolaw laselli baka magobajigw degun ne 11
Jamana kintigi w bolotew kofoli ne 12

Filanen, jamanakuntigi Amadu Tumani TURE y'a jey'ubee ma k'a'ta fe ka politikitonw nəməgəw fana ye gofərenaman kura minisiriya la. Min ye gofərenaman joyçow tilali fana ye ATT kokelekuwni lakananini sərōko nijamana kəkankow ni kunnafonikow minisiriw sugandili bətə ale yere bolo, bawo ojoyçow ye jamana ka hərənya sinsinberew ye.

O n'a taa bəe, gəiçyaw sərōla sogobosoyçöla, bawojamanakuntigi nan'a kələsi ko təgo minnu dir'a ma politikiton caman nəməgəw tun b'olu la. U y'a sama k'a jiia, nk'a tora peresidan Amadu Tumani TURE ta la. Paritiw ka jekulubaw ye məgo kənəntən di gofərenaman kuntigi Amədi Mohamedi Agi HAMANI ma olu k'u joyçor fa minisiriya baara la. Politikitonw bankunba tun ye fila ye. Fəlo, u tun b'a fe gofərenaman ka bonya, walasa u ka joyçor caman sərō. Filanen, paritiw nəməgəc caman tun b'a fe ka kə minisiriw ye. U m'o dogo, bawo u y'a jira Amadu Tumani TURE la k'olu ma sən k'u təgo seben depitesigi la, k'a masörə u tun b'a fe ka don gofərenaman na. Kun wəre minb'ofana na o'ye danayabaliya ye, bawo u hakili la ko ni pariti ye məgo wəre di n'olu yere te, o tigilaməgətəna se ka u ka nafaw lakana walima a bə

sən k'a yere ka nafaw dərən makaran. San 2002, zuwenkalo tile 14, n'o bənnə jumadon ma politikitonw nana sən jamanakuntigi Amadu Tumani TURE ka ninitaw ma, nka u ye min geley'a ma o ye nənawoloma kise kelen kana y'a k'o la. Pariti nəməgəc kelen donna gofərenaman na, n'o ye «MIRIA» kuntigi Mamadu Lamin TARAWELE ye. O bər'a ka tən nəməgəya la, walasa ka kə ladamuni ni kalanko minisiri ye. Jamanakuntigi ye kəbəe kə ka minisiriw həkə dəgəya, ka məgo kərənkərənenne dəwta minnu faamuyalendən kosebə u ka baara la anika fusiripolitikitonw ka yeresagokə la, walasa nin waatilatəmə gofərenaman ka se k'a ka baaraw kə kəjuman teliya la sanko depitesigi labənni. Peresidan Amadu Tumani TURE y'a jini minisiriw fana fe, u kana yeləmabaw don baaradabaw nəməgəyako la, walasa baara daminenenw kana jo.

Mali jamanakuntigi kura Amadu Tumani TURE y'a jira kənə kan ko «Sagajiba» ka kunsuuli bəe tə sirədənbəliya ye». Ayejamana baara damine ni bonya ni majigin ni dusu min ye, an bə dugawū k'a ye Ala k'a doni tafanga d'a ma.

Gawusu DARABO
Basiriki TURE.

Amədi Mohamedi Agi HAMANI n'a jənəgənw fe u kan'u sen don kalatako fansi la nanbara sira kan, walasa fangaso kətilennenyə n'a kə laadiriya n'a ka jelenya ka sabati politikitonw bəe lajelen kəro. O la fangaso ka nafolo wali fən wəre man kan cogosi la ka don politikiton də ka kalatako dəfe ka dəwəre to yen.

Ci kalifalenw na, Amədi Mohamedi Agi HAMANI n'a baara nəgənw ka kan ka foroba nafolow ni foroba nafasərəlan wərew labaara jelenya ni cəsiri ni timinandiya kəno, sanko hadamadenw ni baarakəminənw. Peresidan Amadu Tumani TURE y'a jira k'a haminanko wəre ye foroba nafaw bəe lakananiye aniforoba kow bəe lajelen labaarali n'u nənəbəli kəjuman. Min ye jamanadenw ka dəjəlatige nəgəyalı ye, k'u ka sərō yiriwa, k'u magone fən gələnw jini ka d'u ma sənqə numan na, jamanakuntigi ATT k'o ye gofərenaman kura ka wale nafamaba də fana ye.

O tə taa danaya basigili kə ni baarakənəgənw yə anibolodinəgənma ni jekabaara mənəcənəcəbəe lajelen fe, ka jamanadenw n'u bolofənw lakana galoduguw ni togodaw la.

Peresidan Amadu Tumani TURE ye baara wərənən min kalifa Amədi Mohamedi Agi HAMANI n'a ka gofərenaman minisiriw la, o ye baara kelen kiimöli ye, walasa k'a don min kəra ani min tora. Ajirala k'o ci ni ATT yere hajuba də bə nəgən ta ka nəsin funankəninwma, jamana baaraw bəe bəna latəmə minnu ma sini.

Amadu Tumani TURE ye tənsigi kuncə ni wele ye nəsin minisiriw ma u ka wuli k'u jə ka də bə u ka doni ma, bawo nəka ca wügula. Gofərenaman nəməgə kura Amədi Mohamedi Agi HAMANI ye kuma ta minisiriw təgo la k'a jira jamanakuntigi la ko ni Ala sənn'a ma a təna tige u la. A k'u bəna ko bəe kə ka danaya minən fa peresidan Amadu Tumani TURE ni malidenw bəe lajelen ye min d'u kan.

Bakari KULUBALI
Basiriki TURE.

Baara wərə minnu kalifara gofərenaman kura la.

San 2002, zuwenkalo tile 16, minisiriw y'u ka laadala tənsigi fəlo kə Kuluba peresidan Amadu Tumani TURE ka nəməgəya kəno.

Jamanakuntigi Amadu Tumani TURE ye tənsigi dayələn ni foli ni tanuni ni wale nəməndən ye ka nəsin Amədi Mohamedi Agi HAMANI n'a ka gofərenaman minisiriw ma, minnu sənna k'u jeniyçor fin fasə ka nətəa ni yiriwali baara kologirinw na.

Peresidan Amadu Tumani TURE sərōla ka gofərenaman ka baara taabolobaw dəntigə minisiri kurawye. ATT y'a jira k'u ka baara in ma dəbə

yeləmabaw kama, a bə min jini u fe, o y'u təməni ye ni baara kərə daminenenw ye danaya ni bən ni hərə ni kumənəgənya kəno.

O waleyali hukumu kəno, u ka kan k'u hakili to fangaso ka layidu talenw na jamana kəno an'a kəkan.

Gofərenaman ka wale kologirin də fana ye depitesigi kalataw labənni kəjuman ye jelenya ni laadiriya kəno, k'a sərō mankan ni wəyo ma bə a la. Peresidan y'a jini minisiriw fe u ka ko bəe kə wote nataw ka kə jəkəfə ni bənkan kəno, walasa jama ka bə a la ka fasodennumanya jira. A y'a jini

Mali Goferenama

• Minisiriw nəməgoani Afirikijamanaw ka dorogojogonna minisiri:

Ameddi Mohammedi Agi HAMANI

• Kəneyə sabatili walew minisiri :

Mmu TARAWELE Fatumata NAFO

• Kalanko ni ladamuniko minisiri :

Mamadu Lamini TARAWELE

• Maraw cəboli ni marabolow minisiri:

Zenerali Kafuguna KONE

• Mali kəkankow ni kəkan malidenw ka minisiri:

Lasana TARAWELE

• Sərəko ni nafolokow minisiri :

Usumani Isufi MAYIGA

• Iznikown jagokown taransiporokow minisiri :

Mamadu Dalo MAYIGA

• Jamana labənni n'a baaraminənko minisiri :

Lansenı Bala KEYITA

• Togodaw yiriwali ni sigida lakanani minisiri :

Seyidu TARAWELE

• Baarako ni baarakalan minisiri :

Yunusi Haməyi DIKO

• Kələkuluw ni sərədasikorow ka minisiri :

Mahamani MAYIGA

• Kiirkow minisiri :

Abudulayi Ogotənbəli PUJUGU

• Hadamadenya ka nətaa ni bolodiñəgənma ni mögökörəbow ka minisiri :

Mmu NJayi Fatumata KULUBALI

• Damandingew ni kuranko ni Jiko minisiri :

Ameddi SEMEGA

• Fangaso təgəla yorow ni dugukolokow minisiri :

Bubakari Sidiki TURE

• Bololabaara ni jamanayaalakow minisiri :

Ba NJAYI

• Kunnafonikow minisiri :

Mamadu Male SISE

• Muso ni den ni denbaya ka nətaa minisiri :

Mmu Ba Odəti YATARA

• Funankeninw ni farikoloñenajekow minisiri :

Jibirili TANGARA

• Jamana kənəna lakanani minisiri :

Koloneli Süleymani SIDIBE

Mali goferenama kuntigi kura



Kiimeli baarakela (enzeniyeri) faamuyalen don min ye minisiriya baara damine kabini san 1978, zanwuyekalo tile 7. O waati fangaso ka ciyakədabaw minisiri tun don. San 1979, zuwənkalo tile 28, Mohammedi Agi Hamani kəra kunnafonikow ni nəgejurukow minisiri ye. A bora o la ka ke jamana baaraw bolodali minisiri ye san 1980, utikalo tile 2.

K'a ta san 1984, desanburukalo tile 31 la ka t'a bila san 1986, zuwənkalo tile 6la, Amédéi Mohammedi Agi Hamani kəra farikoloñenaje ni seko ni dənko minsiri ye, o ko ka ke taransiporö ni foroba baaraw minisiriye fo ka taa se san 1987, zanwuyekalo tile 20 ma. Okofe, Amédéi Mohammedi Agi Hamani taara Mali ni

Mali jamanakuntigi kura Amadu Tumani TURE sigilen san 2002, zuwənkalo tile 8, a sinna o duguje zuwənkalo tile 9 k'a ka goferenaman nəməgo kura sugandi.

Nka sanni o cə, goferenaman koro kuntigi Modibo KEYITA ser'a ma n'a ka minisiriso bəs lajelen ka baarabilasəben ye. O la, Amadu Tumani k'a ma k'a sonna, nk'ab'a jini minisiriw fe u ka temə ni baara bolodalenw tiimeli ye sanni goferenaman kura ka sigi.

Amadu Tumani TURE m'a ko bila daga girin da la, bawo o nə goni na a ye wele bila Amédéi Mohammedi Agi Hamani ma a ka na ke goferenaman kura nəməgo ye.

Mali minisiriw ka nəməgo kura Amédéi Mohammedi Agi Hamani te mögə dogolen ye Mali kono an'a kəkan.

Senegali ni Moritani təgəla ton nəməgo ya la min nəsinnən don Senegali baji ~~dondalali~~ ma n'a bə wele ko «OMVS». San 1990 waatiw la Amédéi Mohammedi Agi Hamani ye lasigidentaamabereta ka taa Marok, Beliziki, Lukisanburu ani Farajela jekuluba də yorç n'o ye «UE» ye. Nin bəs b'a jira ko Mali minsiriw ka nəməgo kura ye mögə faamuyalenba yesiracəmankən minbenə ke sababu ye k'a ka baara kura nəgoy'a bolo. A ka dənniyabaw na ke sababu ye a ka sekə feerə nənamawtige depeşigə kalataw hukumu kono ka bən ni jamanakuntigi Amadu Tumani TURE miirinanko ye.

An bə dugawu ke Mali goferenaman kura ye a ka baaraw tiimeli konuman na.

Basiriki TURÉ.

Goferenaman minisiri kuraw

- Kalan ni ladamuniko minisiri
Mamadu Lamini TARAWELE



bangera san 1947, zanwiye kalo tile 2 Bamako. A y'a ka baju kalan ke Mamadu Konate tøgola lakaniso la. san 1953 ni 1959 ce. O ko, a taara Mali cefarin do Asikiya Mohamedi tøgola cemance kalanso la san 1959 ni 1966 ce. Cemance kalan bannen, Mamadu Lamini TARAWELE taara Irisila faaba kono Mousku sanfe kalansoba do la. A y'a ka sanfe kalan kuncé Faransi jamana kan ni kunkorotassebenba do ye hakilijagabo kalanko la hadamaden n'a ka dinelatige n'a kerefèfènw kan.

Diyagoya fanga binneñ ko Mali la, Mamadu Lamini TARAWELE ye san kelen ke waatilafanga némogoyaso la san 1991 ni 1992 ce. Demokarasi goferenaman fòlo min sigir'o ko, a ker'o minisiri ye min tun ka baara nesinnen don jamana marako n'a lakanani ma.

Sanni a ka don Amèdi Mohamedi Agi HAMANI ka goferenaman na Mohamedi Lamini TARAWELE tun ye sannakalansoba do karamogo ye ani politikoton «MIRIYA» kuntigiba. Mohamedi Lamini TARAWELE ye musotigi ye, den saba be min bolo. Kalanje ni siniman ni tenburumara ka d'a ye.

- Maraw ceboli ni marabolow minisiri Zeneral Kafuguna KONE te mögo kura ye goferenaman baara la. Waatilafanga kono sarf 1991 ni 1992 ce jamana lakanani minisiri tun don. A bangera san 1944 Furu dugu kono n'o be Kajolo kubeda fe. A tilalen cemance kalan na, Kafuguna donna Sordasi ja latigwa ka lakaniso la san 1967. Demokarasi «beesjefanga» basigili la Mali kono san 1991, Kafuguna y'a jeniyoro fin o baara la kosebe.



Sordasiya kadara kono Zentrali Kafuguna KONE kera Mali kelebolo caman kuntigi ye, i n'a fo sanfe kelebolo ni duguma kelebolo ka se sandaramaw ma.

San 1992, Kafuguna KONE ye Mali ka lasigidenya baara ke Shinuwa jamana kan. A seginnen ka bo yen san 2001, Mali wotekow nénaboyoro kalifar'la. Kafuguna KONE ye jalaba caman soro a ka baara numanw sababu la. Farikolojenaje ni kalanje ni forobaaraw y'a jarabi ye.

- Jamana kokankow ni kokan malidenw ka minisiri kura Lasana TARAWELE faamuyalend don kosebe fangaso baaraw ni kenyereyew taw la. A yere tøgola ciyakeda b'a bolo; o temenek ko bolifèn lakanani ciyakèdaba do fana némogoba don.



San 1991 ni 1992 ce Peresidan Amadou Tumani TURE ka waatilafanga bulonkuntig tun don. Sann'o ce a kera jamanakuntig ka ciyakeda sekeretéri zentrali dankan ye.

Lasana TARAWELE bangera Bamako san 1945. Ay'a ka baju kalan ke Madinakura ani Bozola lakaniso la. O ko, a taara cemance kalan ke Asikiya Mohamedi tøgola kalansoba la san 1960 ni 1966 ce. A tilalen ko sanfekalankunfolo la Malikono, Lasana TARAWELE taar'a ka kalan jiidi Kanada jamana kan. Soro walew nénaboli mögo faamuyalenba don. Lasana TARAWELE ni Amadou Tumani TURE ma tige nögón na, o de koso Zentrali y'a ka watekow bees nénaboli kalif'la. Lasana ye mögo ye minn'a ka joyor'inkakanaka laadiriya ni mogoninfinya kama. Lašana ye musotigi ye, den duuru be min bolo. Kalanje ni farikolojenaje y'a jarabi ye.

- Izinikow ni jagoko ni taransiporokow minisiri Mamadu Dalo MAYIGA bangera san 1954 Tabango dugu kono n'o be Ansongo kubeda fe Gao mara kono. Ce musotigi don, den naani be min bolo. Bamanankan ni körbörökán ni faransikan ni irisikan ni langilekan, a b'olu bee woro i ko tiga. Mamadu Dalo MAYIGA ye baju kalan kunkorotasseben soro san 1970

Ansōngolakoli dola, ka cemance kalan ta soro Bamako san 1975, Porsipéri



Kamara togola kalanso la. A kera enzeniyeri ye tajinini baara la san 1984, a kelen k'o kunkorotaseben soro Mosuku, Irisila jamana faaba kono. O ko, a taara do far'a ka dönniya kan Burukina Faso sanfe kalansoba do la, ka na n'o kunnawoloseben ye san 1993. K'a ta san 1980 na fo ka na se san 1996, fewuruyekalo tile 27 ma, Mamadu Dalo MAYIGA y'a jeniyoro fin Mali damandingeko ni tajiko ni jiko baarada caman na. Sann'a ka don goferenaman kura la, a tun be ji ni kuranko ciyakeda la.

- Jamana labenni n'a baaraminenko minisiri kura Lansen Bala KEYITA si




ye san 45 ye. Baarakela faamuyalenba don min ye politikiton «ERIPEMU» nemogoyaso tondéne ye.

A ye kalan min ke, o minisiriya de kalifar'a la. A y'o sanfe kalan ke Mali enzeniyeriwka lakolisoba la san 1983. Forobabaaraw kunkorotaseben b'a bolo. A tilalen k'o Mali enzeniyeriw ka kalanna, Lansen Bala KEYITA taar'a ka kalan jiidi ni ciyakedabaw kow nenaboli dönniya ninini ye Senegali faaba kono, n'o ye Dakaru ye san 1989 ni 1991 ce.

San 1983 ni 1985 ce, a ye baarakalan caman ke Burukina Faso ni Nizeri ni Faransi jamanaw kono. San 1999 ni 2001 ce, Lansen Bala KEYITA kera Mali foroba baaradaba do kuntigi ye, min be wele ko : «AZETIPU». O ciyakedaba min sigilen don farafinna hake la, mansalenke ker'o kuntigi dankan ye. Kalanje ni farikolojenaje ni kungoyaala ka d'a ye.

- Togodaw yiriwali minisiri Seyidu TARAWELE bangera Segu Sikoroani




Balansandon san 1956, zanwuyekalo tile 14. A y'a ka bajukalan ke Bamako k'o kunkorotaseben soro san 1971. Min ye cemance kalan ye, Seyidu TARAWELE y'o damine Banankoro ka n'o laban Badalabugu kalanso la Bamako.

A taara sanfe kalan ke dugukolo dönniya kan Beliziki jamana kan ani Kanada. San 1995 a kera poroze do nemogoye, min be wele ko : «AT/P2. Sann'o ce, Seyidu TARAWELE ye dugukoloko neñinibaara ke san 1983 ni 1989 ce. Sann'a ka ke minisiri ye

sigida lakanani ciyakeda faamuyalen do kuntigi tun don Saheli jamanaw kono. Muso be Seyidu bolo nka den t'a fe. Damubo ni kalanje ni balantan ka d'a ye.

- Baarako ni baarakalan minisiri Yunusi Hameyi DIKO bangera



Guruma Rarusi san 1940. A y'a ka bajukalan k'oyorokelen na, san 1947 ni 1953 ce, o ko ka cemance kalan damine Dire ka bo yen ka na Terason togola kalanso la ani Wiliyamu Ponti ta. Yunusi Hameyi DIKO taar'a ka sanfe kalan ke Faransi. A kelen k'o kunkorotasebenba soro san 1970, a seginn' a faso la ka na ke sannakaramogoba ye. San 1978 ni 1979 ce, Yunusi Hameyi DIKO kera sanfe kalanbolo kuntigiba ye. O kofe, a ye Arajo ni Telewison kuntigya ke fo san 1982, ka tila ka segin a nona karamogoya la. Politikiton «UDD» sekeretéri Zenerali tor'a ka karamogoya la fo ka n'a ke sanfe kalankow minisiri ye san 1997, setanburukalo tile 16.

- Mali kélékuluw ni soro dasi kórow ka minisiri Mahamani Kalili MAYIGA ye kencya sabatili walew baarakela faamuyalen ye min bangera Tumutu san 1948, mekalo tile 26. K'a ta san 1954 la ka t'a bila 1960 la, a y'a ka bajukalan ke Tumutu dugu kono, o ko ka cemance kalan damine Gavo ka n'o laban Asikiya Mohamedi togola

Kunnafoniw

kalanso la san 1960 ni 1967 ce. A taara dögötöröya kalan ke Poloni jamana kan ka segin n'o kunnawoloşeben ye fasola. Føka na se a keli ma minisiri ye, Mahamani



Kalili MAYIGA tun ye sannakaramogoba ye Mali dögötöröso kalansoba la. A tun b'a ka dögötöröya baara fana na o kerefe Pönce dögötörösola. Musokelen ni den saba b'a bolo. A ka lafiya waatiw la Mahamani Kalili MAYIGA be kalanje ke ani taama. Dugujukoro fenköröf fana ninini ka d'a ye.


- Hadamadenya ni bolodinogonma ni mogokorobaw ka minisiri Mmu Njai Fatumata KULUBALI bangera san.



1954, awirilikalo tile 17. A ye Badalabugu baju kalanyorøke fo san 1972, o kó ka taa cemance kalan ke npogotigiw ka kalanso la Bamako,

kó kunkörtasében soro san 1975. A ka sanfe kalan kera hakilina walew kan ani bange sariyaw ani mögonifin hakili lawerécogo. Fatumata KULUBALI ker'o ko nininikela ni kalankó kiimenikela ye. A y'a ka dönniya waleya baarada caman na, i n'a falamerikewni langilew ni Mali ni Afiriki ni dije seleke naani porozew la. Denduurubé Fatumata KULUBALI bolo. Kalanje ni dönlili y'a jarabi ye.

- Damandigew ni kuranko ni jiko minisiri Hamédi Jane SEMEGA bangera san 1962, awirilikalo tile 19 Dakaru, n'o ye Senegali faaba ye. A




y'a ka baju kalan ke Noro, o kó ka taa cemance kalan damine. Kayi ka n'o laban Noro san 1983. Min ye sanfe kalan ye, SEMEGA y'o ke Bamako soro ni fangaso baara ni kiiriko lakölisoba la. A y'o kuncé ni kiirikow kunkörtasében ye. A kera sanuko ciyakeda do kuntigiye Malila. Sann'a ka ke minisiri ye Hamédi Jane SEMEGA tun ye damandingew konenabola kerékerennye. Muso b'a bolo ani den fila. Kalanje ni negesoboli ka d'a ye.

- Fangaso togola yorow ni dugukolokow minisiri Bubakari Sidiki TURE bangera san 1948, setanburukalo tile 12 Bamako. A y'a ka kalan fofow ke Bamako, Kensanbugu laköliso la, o kó ka cemance lakölileké Pérösiperi KAMARA



ni Asikiya Mohamedi togola kalansow la. Min ye sanfe kalan ye, a taar'o ke Faransi faaba kono, Pari Wusurukow ni nisongokow kan, ka tila ka ke soro ko ni nafołoko baarakela faamuyalenba ye. Fangaso togola yorow ni dugukolokow minisiri tun ye soro ko ni nafołoko minisiri laadibaga do ye a dontuma goferenaman kura la. Akera nisongokow ni wusurukow penaboyoro caman kuntigi ye ani jamanakuntigi laadibaga ni Afiriki tilebinyafan ka wariko jekuluba ta. Bubakari Sidiki TURE ye furu ke, den saba b'a bolo. Kalanje ni farikolojenaje ni sekó ni dönlili ka d'a ye.

- Seko ni dönlili minisiri kura Andere TARAWELE bangera Dakaru,



Senegali faaba kono san 1948, okutoburukalo tile 14. Sorodasikoro

Iasidanséfu Jan TARAWELE ni Nañuma BAGAYOKO den don ka bɔ Semasa, Buguni sérkili la. A furulen don, den woɔɔ b'a bolo, Andere TARAWELE y'a ka baju kalan ke Buguni, k'o kunkorotaseben soro san 1955. A nan'a ka cemance lakoli ke Asikiya Mohamedí tɔgɔla kalanso la, k'o kunnawoloseben soro san 1970. Andere ye sanfe kalan ke Mali enzeniyériw ka lakoli la, o k'o k'a don fangaso baara la san 1975.

San 1978, a kera Segu mara labenni n'a baarakow ciyakeda kuntigi ye. San 1980 ni 1982 ce, a yera Bamako labenni baara caman bolodali la. O waati kelen na, Andere TARAWELE kera jamana baaraminenko minisiri laadibaga ye. San 1990, Mali jiko ni kuranko ciyakeda kuntigya tun b'a bolo, ka tila ka ke kuranko ni damandingew minisiri laadibaga ye san 1992.

Seko ni dɔnko minisiri kura ye politikiton «UDD» nɛmogoso tɔnden ye.

- Bololabaara ni jamanayaalakow minisiri Ba NJAYI min si ye san 50 ye,

Faransi lakolisoba caman na. Politikiton «SINIDI» tufa folo dabaga do don. A ye kunkorotasebenw soro langilekan kalanni ni politikow ni kiiritigekow la, ka tila ka dɔnniyaba soro nafoloko nɛnabɔli kalan na. Ba NJAYI tun be Amadu Tumani TURE ka waatilafanga la san 1991 ni 1992 ce. Muso b'a bolo ani den naani. BalontannikalanjeyBa NJAYIjarabi ye.

- Kunnafonikowminisirikura Mamadu Male SISE bangera san 1947, utikalo



tile 28, Kameruni galoduguba dɔkɔno, n'o ye Duwala ye. A y'a ka baju kalan damine yen san 1953 ka n'a laban Kayi san 1961.

Cemance kalan bannen kɔ san 1968 Asikiya Mohamedí tɔgɔla kalanso la, Mamadu Male SISE ye fangaso baaraw ni sɔrɔko ni kiirkow sanfe kalan ke Bamako san 1968 ni 1972 ce, k'o kunnawoloseben soro. San 1977 ni 2000 ce, a taar'a ka kalan jiidi Faransi ani lamerikenw ka jamana faaba kɔno, n'o ye Wasintoni ye. Kunnafonikow minisiri y'a jeniyɔrɔ fin fangaso baara la ni kubedaw ni sérkiliw kuntigya ye kabinis san 1972. San 1984, Mamadu Male SISE kera jamana lakananikow minisiri laadibaga ye. A y'o baara kelen ke san 1986 jamanakuntigi ka bulon na. San 1988, a kera lakanani minisiri kankorɔsigi ye. San 1989 fo ka se san 1991, marisikalo ma, dunanw

bisimilali ciyakeda kuntigi tun don. San 1991 ni 1992 ce, Mamadu Male SISE tun ye jekulu nɛmogɔ ye min ka baara nɛsinnen don politikitonw damakɔnɔni ma kunnafonidilankow la.

O kerefe, san 1987, a tun be Mali ka jekuluba mɔgɔw fe, minnu taar'an jɔyɔrɔ fa dije jamana hɔrɔnyalenw ka tɔnba «ONU» ka lajeba 46 nan kene kan. Mali ni Burukina Faso ka fɔjogɔnko waati san 1986, Mamadu Male SISE tun be Mali ka jekulu kerenkerennen fe min taara dije seleke naani kiiritigesoba la ka t'o ko nɛnabo.

Jalatigiba don, min furulen don, den duuru b'a bolo. Farikolo nɛnaje ka d'a ye ani kamanmafɔnw lamarali.

- Muso ni den ni denbaya ka nɛtaa minisiri Mmu Ba Odeti YATARA bangera san 1944 Gawo. Mɔgo faamuyalen don kalan ni ladamunikola. A tilalen kɔ a ka cemance kalan na Bamako. Odeti YATARA taar'a ka sanfe kalan ke Burukina Faso faaba kɔno, n'o ye Wagadugu ye. A ye kunkorotaseben fila sɔrɔyen san 1979 ni 1980 hakili ni kalankecogo numan kadara kɔno. San 1985, a y'a ka dɔnniya sinsin ladamuni ni kalankow la Bamako kalansoba do la.



Mali nɛgeso ni motodilan izini nafolokow nɛnabɔbaga tun don sann'a ka dongoferenaman na kabini san 1986.

Ba NJAYI bangera Kayi san 1952, utikalo tile 24. A tilalen kɔ a ka cemance kalan na san 1968 ni 1992 ce, Ba NJAYI taara sanfe kalan ke

Mmu Ba Odeti YATARA kera kalankow minisiri laadibaga ye musomanninw ka lakoliko ni musow labenni kadara kɔnɔsan 1999. Kanko

Kunnafoñiw

dənniya sira kan, Odeti kera diñe tonkun naani kalankow ni seko ni dənkow jekuluba «INESIKO» mögo kerenkerenñen do ye Mali la. A furulen don. Den fila b'a bolo. Kalanje ni dənkili ni sineman ni hakilifarikolonenaje «Yoga» ka d'a ye.

- Funankeninw ni farikolonenaje minisiri Jibirili TANGARA bangera



Kijan, san 1950, zuwenkalo tile 6. Wusurukow ni nisongokow mögo faamuyalen don. Joyor min kalifar'a la goferenaman na, a n'o ka kan, bawo balontan konew dənbaga nana don. ATT demejekulu «ACC» ciden kerenkerenñen don Sikaso, min y'a ka kalan kumfolo ke a wolodugu la, o k'o ka t'a laban Abijan kin do lakoiso la, n'o ye Tereshiwili ye. San 1966 ni 1969 ce, Jibirili TANGARA ye cemance kalan kunkrotasében soro Abijan. A seginn'a faso la san 1972 kana sanfe kalan ke soro konifangaso baaraw ni kiiritigekow lakoiso la Bamako. Okunnawoloseben soroñen afé san 1976, Jibirili TANGARA taar'a ka dənniya sinsin Faransijamana kan san 1979 ni 1981 ce, ka tila ka Pari fangaso lakoiba ke san 1990. O bës kerefe, a ye laben caman ke wusurukow ni dugukoloko sariyaw ni segesegeli ni nafolodun ni yurugu yurugu keleliko la. A ye Mali wusurukow ni nisongokow ciyakeda caman kuntigiya ke jamana kono, k'a

damine Segu san 1977 ka teme Moti fe fo ka n'a laban Kulukor san 2000 la.

Kabinisan 2000 fo ka na sea sugandili ma minisiriya la Jibirili TANGARA tun ye Sikaso wusurukow ni nisongokow ciyakeda kuntigi ye. Balontan kanubaga don min kera ton caman nemogo ye Moti ani Segu. Jibirili TANGARA be bamanankan ni faransikan wörö i ko tiga. Muso kelen b'a bolo ani den duuru.

- Lakana minisiri kura Suleyimani SIDIBE siñefoloténinyegoferenaman minisiriya la. Amadu Tumani TURE ka waatilafanga kono Suleyimani SIDIBE kera Mali kókankow minisiri ye.

Suleyimani bangera san 1949, mëkalo tile 24 Masina kubeda la, Segu mara kono. A ye soroðasi jalatigiw ka lako ke Kati san 1969 ni 1972 ce, o k'o ka taa santarama jalatigiw ka kalan ke Faransisan 1973 ni 1974 ce. San 1976 ni 1983 Suleyimani SIDIBE yetasumafagalaw ka kunkrotasében soro. A ye santaramaw ka nemogoya ke. A kera fangaso ka jurukanina ye, o k'o ka ke Mali lasigiden ye Alimajni ni Hongirini Biligari jamanaw kan San 1991 a kera jamana kókankow minisiri ye waatilafanga kono.



O be ban waati min na, Suleyimani SIDIBE taara Malijoyorofa lasigidenya sira kan Kanada, Iameriken jamana,

Mekisiki, Kiba, Nikaraga ani Wenewewelajamananwkansan 1992 ni 1995 ce.

San 1996 ni 2000 ce, a kera lasigiden ye Ecopi, Burundi, Jibuti, Eritere, Iraki, Iran, Keniya, Rwanda, Somali, Sudan, Tanzani ani Afiriki kelenya tónba «OUA» ka yiriwali jekulu kerefe ani diñejamana hörönyalenwka tónba «ONU» bolofara min nesinnen don sigidaw lakanani ma. Suleyimani ye jala caman soro a ka baara hukumu kono. Abebamrankannikoroborokan ni faransikan ni langilekan ni alimankan ni esipanolikan wörö i ko tiga. Musob'a bolo ani den wolonwula.

Basiriki TURE

Peresidan Olusegun OBASANJO ka Bamako badenya taama



Nizeriya peresidan Olusegun OBASANJO seginto Abuja ka bo Lameriken jamanakanajora folinitanuni kama ka nesin Mali peresidan kura Amadu Tumani TURE ma san 2002, zuwenkalo tile 22.

A kelen ka sanga 45 nognona ke baro la Amadu Tumani TURE fe Senu pankurunjiginyorò bisimilasoba kono, Olusegun OBASANJO y'a jira kunnafonidilaw la k'a nana foli bila a terike ATT la k'a sababu k'a sugandili ye Mali jamanakuntigiya la. A ko Mali ni Nizeriya cesiraw ka ni cogo min na, wajibya don jamanakuntigi fila k'u bolo di nognma jekabaara hukumu kono min taasira ka ca kosebe.

Nka Nizeriya peresidan yere ka foli la, u ka wale nafama folo keta ye faantanya keleli ye. A dalen don a la fana ko Mali ni Nizeriya ben'u cesiri o baara kologirin na. Kumajogonya ni badenya baro bannen ko, peresidan OBASANJO y'a ka awiyon ta k'a kunda a ka jamana faaba kan, n'o ye Abuja ye.

Alayi-LAMU / Basiriki TURE

«SEMUDETE» be k'a yere nini

TARAWELEye kunnafonidilaw bisimila san 2002, zuwenkalo tile 26, baro kerenkerennen na, a ye min k'a ka baarada geleyaw kan u ma deli ka minnu nogon ye san tan laban ninnu kono. Bakari TARAWELE kelen k'a ka ciyakeda «SEMUDETE» nafa n'a joyoro jira jamana ka netaa ni bongola sira kan, a ko san 1997, «SEMUDETE» ka geleyaw ni degunw daminena k'o sababu ke koori songo jaasili ye dije seleke naanina. Nka dofaral'ogelleyaw kan Mali kono ni ciyakeda in yere labaariali cogoya ye a nemogow fe san 1997 ni 1999 ce. O waati kelen na, koori feereta songo nagasira ka t'a fe jamana kukan, a bora kilo kelen d. 185 ni murumuru la san 1997/1998 k'a ke kilo kelen d. 154 ni murumuru ye san 1998/1999 ka n'a ke kilo kelen d. 139 ni murumuru ye san 1999/2000 kono.

Gelleyaw kera sababu ye ka SEMUDETE labin, k'a bong nafolomugusefawari miliyari 24 nikola san 1999, k'o binni juguya ni sefawari miliyari 23 ni k'o ye san 2000 ka tila ka san 2001 sefawari miliyari 2 ni k'o far'o kan. Nin bee de nana ni goferenaman ni ciklaw ka sorow laafuli ye, do farala min juguya kan ni juru karili ye kooriseneaw kan na ani forow tijeni ji fe. Kooriseneaw dusu tijenen y'u ban koorisene ma san 2000/2001 samiye waati. O bolodonyerekono ye dankari «SEMUDETE» ka sorow la, bawo o san koori sorota hake ma teme toni 243.000 kan, k'a sorow samiye min dar'o kan Mali ka koori bota hake tun ye toni 459.000 ye. Walasa ka ciyakeda in bobolo la, ka nogoya don a ka degunw ni sogenw na, fangaso ye san 2000/2001 sannifeere nafoloboa yere ka kesula nibaara nogon kerenkerennen do ka deme ye, min be wele ko «DAGIRISI». O nafolo kasabi

taar'a jo sefawari miliyari 45 la fangan y'a jo tuguni ni waribonw ka juruw ye, min kasabi tun ye sefawari miliyari 30 ye. O tun ye san 1999/2000 juru to ye. Goferenaman ma dan o doren ma, a ye wusuruw ni lenpow nitakisi korow sarali lajo, ka izini kuraw joli juruw sarali b'u dogo koro. A ye sefawari miliyari 10 di «SEMUDETE» ma walasa a ka se ka ciklaw ka koori san songo la min b'u nafa san 2001/2002 sannifeere waati la. Fangaso tilala ka san 2002 cike binda jesigi ni sefawari miliyari 12 ye. Goferenaman y'a nini fana «SEMUDETE» fe a k'ale niyoro manankun labila kenyereye ciyakeda dow ye, i n'a fo : Tulubizini ni «SMPC» ni «SMECMA» ni «SIMAMA». A y'o kasabi ke sefawari miliyari 3 ni tila ye. Min ninina «SEMUDETE» yere fe, o ye caman boli y'a ka baarake nafolomugu la anitaransipori wariwni koori wurusitaw ta anibaarakelaw ka kalosara minkasabi ye sefawari miliyari 9 nogonna ye. O cesiri kera sababu ye ka do bo baarake nafolola fo ka taa se fesawari miliyari 11 ma san 1998 ni 2000 ce.

Nk'a ko b'a fe ka ke sanjikorowosi ye, bawo don o don koori songo be ka jaasi ka t'a fe dije seleke naani na, Bakari TARAWELE ka foli la.

O n'a taa bee, «SEMUDETE» kuntigi y'a jira kunnafonidilaw la k'u b'a fe ninan san 2002-2003 samiye in na ka koori toni 604.500 sorow.

Hakilijigin na, an b'aw ladonniya ko «SEMUDETE» ye kenyereye baaradala ye min ka baara manankun ye sefawari miliyari 32 ni tila ye. O nafolo kasabi la, Maifangasoniyoye 60 ye kemesarada la, Faransi kenyereye ciyakeda «DAGIRISI» ta ye 40 ye kemesarada la.

Moriba Kulubali
Basiriki Ture

NJila yelemara Liyon sefawari miliyari 4

Mali Samatasew ka nana min tun be Olandi jamana kan balontan na n'o ye Mamadu Jara ye min be wele NJila, Faransi ekipu nana min ye Liyon Olenniki ye, olu y'u bolo mooco bo a nofe.

Hakilijigin na, san 2001-2002 janaminejanaya jonjon be Liyon de bolo Faransi. Liyon y'a nini Mamadu JARA fe a ka yelema u ka ton na. Nafolo kasabi min be bil'a ye o kadara kono u y'o ke sefawari miliyari naani nogonna ye. Ay'a bolono bila seben na k'a bena san duuru ke balontan na Liyon Olenniki fe.

Basiriki TURE

Kodiwarikaw ka bugunnatigeseben kura

Kosa in na Kodiwar goferenaman ye jatemine ni kiimeli baara do ke jamanaden hake kan. O togoseben bena ke sababu ye mogow miliyon 15 ni 400.000 ka bugunnatigeseben (Karidante) kura sorow. Min ye Kodiwar yere woldenw ye, olu ka bugunnatigeseben wari ye d. 200 ye, min ne ye lenburuba ta ye.

Min ye Afiriki tilebinyanfan jamanaw ka sorok jekulu «CEDEAO» mogow ka kodiwar sigili yamaruyaseben ye, min be d'u ma san 5 kuntaala kono n'a ne ye nugaji ye, o wari ye sefawari 7000 ye. O jamanaw ye : Burkina Faso, Mali, Senegali, Lagine-Konakiri, Ganbi, Kapuwéri, Nizeri, Togo, Nizeriya, Gine-Bisawo, Liberiya, Gana, Benen, Saralon, Moritani.

Min ye duman tow ye, olu ka bugunnatigeseben (karidante) min ne ye bulama ye, o wari ye sefawari 60.000 ye. O kuntaala fana ye san duuru ye,

Ajrala k'an be don minna mogominne sera ka bugunnatigeseben ninnu sorow sariya hukumu kono o te teme mogow miliyon 6 ni 200.000 kan, jamanaden miliyon 15 ni 400.000 cema, minnu togow sebenna san 1998.

Mali Depitesigi kalataw

Sariyasoba ye depiteya ninibagaw togoseben lajo san 2002 zuwenkalo tile 22. Akalata sine folo ye san 2002 zuluyekalo tile 14 ye, ani sine filanay ye san 2002 zuluyekalo tile 22 ye. Wotesigida 55 minnu be jamana kono depiteya ninina 997 b'olu kono. Depite hake min ka kan ka sigi, o be ben 147 ma. Politikiton dow ni jekuludowtuny'a nini ko ka zuluyekalo tile 14 kalatawb'a ma, i n'a fo «eripemu», «senidi» ani «asese».

Kibaruseben nataw kono, an bena kuma depitesigi kalataw kan.

Kore ni Zapon «KUPUDIMONDI»

Dijé seleke naani balontanna ñanaw ka kuwaba min bë wele ko «KUPUDIMONDI», a b'a tan ni fila fili la kabini san 2002, mëkalo tile 31. Ñanaw bë to njogon na fo zuwenkalo tile 30.

Jamana 32 minnu yera «KUPUDIMONDI» keneñ kan Kore ni Zapon Afiriki joyoro fara Senegali ni Nizeriya ni Tinizi ni Afiriki-Di-Sidi ni Kameruni warabaw fe. San 2002 «KUPUDIMONDI» datigera Senegali gayindew ni Faransi dononköröw fe, jumadon, mëkalo tile 31. Hakilijinna, dijé balontantaariku bëe la nin y'a siñe folo ye Senegali ka ye ñanaw ka kene kan, k'a soro san 1998 ladiyali negeba yalonna Faransi dononköröw fe.

Hakilimaw bëe b'a dòn o la ko mögosi tun sigilen te ni Senegali ka sebaaya ye sanko Faransi koro kene nin kan. Papu Buba JOPU ye Faransi dononköröw tige u yere la, k'ujigitigé ni bi 1 ye min ma se ka bo san 1998 dijé ñanamine ñanaw fe.

San 2002, zuwenkalo tile folo, Kameruni waraba kutigebali minnu ye Afiriki ñanawye, oluniirlandiye njogon soro. O kera filaninbin ye, bi 1 ni 1.

San 2002 zuwenkalo tile 2, Afiriki-Di-Sidi jamana ni Paragéyi jamana ka katabaanaani kera filaninbin ye, bi 2 ni 2.

O don kelen, Arizantini jamana ye Nizeriya walon ni bi 1 ni 0 ye. O bi donbaga kera Batisituta ye.

San 2002, zuwenkalo tile 5, Afiriki ñana duurunan «KUPUDIMONDI» la n'oye Tinizi ye, Irisijamana y'o gosi bi 1 ni 0.

Senegali boko filanan na, a ni Damariki jamana benna san 2002, zuwenkalo tile 6. Ojanjokera filaninbin ye bi 1 ani 1.

San 2002, zuwenkalo tile 6, Kameruni ni Sawudiya jamana ye njogon soro. Kameruni sera Makankaw la bi 1 ni 0. Zuwenkalo tile 7, Nizeriya y'a kogo da Suwedi ta la. Suwedi jamana ye Nizeriya gosi bi 2 ni 1.

Min ye Afiriki-Di-Sidiye, oluni Siloweni benna san 2002, zuwenkalo tile 8. Afiriki worodugu jamana y'o sebaaya soro bi 1 ni 0.

Tinizi boko filanan kera zuwenkalo tile 10. U ni Beliziki ye kuwaba ke min labanna bi 1 ni 1 na.

Senegaligayindewy'ukogoda Urugéyi jamana ta la, san 2002 zuwenkalo tile 11. Okélé labanna filaninbin na bi 3 ni 3.

Min ye Kameruni warabaw ka cëbo sabanan ye, u y'o ke ni Alimanji ye. Alimanw y'u gosi bi 2 ni 0, zuwenkalo tile 11.

Afiriki - Di - Sidi walonna Esipani fe, zuwenkalo tile 12 bi 3 ni 2.

Nizeriya ni Langilejamana yefilaninbin ke bi 0 ni 0, san 2002, zuwenkalo tile 12.

Tinizi benna ni Zapon jamana ye a boko laban na. Zaponkaw ye larabuw gosi ni bi 2 ni 0 ye.

Kunfolo bannen kó, Afiriki ñanaw bëe sén bora Zapon ni Kore «KUPUDIMONDI» janjo la k'a to to Senegali gayindew dòron ye.

Kunfilanan kunbenw hukumu kono Senegali ni Suwedi y'u kogo da njogon na san 2002, zuwenkalo tile 16. Hanri KAMARA y'o don cëbo togo ta, bawo ale kelen de ye Senegali ka bi 2 don. Suwedi ma foyi don bi 1 kó. Balontan in geléyara kojugu k'a masoro waati bolodalen banna bi 1 ni 1 na, k'a soro u si ma sebaaya soro. Kono waati sanga 30 kono, Hanri KAMARA ye Suwédi kigé tige ni bi numan 1 ye, minye Senegali yamaruya ka taa neñé. Kunben min dar'o kan Senegali gayindew garisegera Tirikijamana na, san 2002 zuwenkalo tile 22. Afiriki mume bëe jigi tun be wolofo kan o kunben na, bawo Kameruni warabaw danna yoro min na san 1990 «KUPUDIMONDI» la, an bëe tun sago ye Senegali ka teme o kan.

A kuwaba saranna k'a jija, bawo waati bolodalen sanga 90 banna k'a soro u si ma bi don. Kono waati sanga 30 nana damine ka do k'o fana na yoro

min na, Tirikikaw nana garisëgë bi 1 don ka baara jigin.

Senegali warabaw ye Afiriki joyoro fa ka u ka jamana kunnawolo. Wolofo cira k'u sén bëe san 2002 «KUPUDIMONDI» la nk'u ma malo, u kun ma suuli.

San 2002 «KUPUDIMONDI» ñana fila ka kurnben benn ke zuwenkalo tile 30 Yokohama dugu kono, n'o bë Zapon jamana kan Alimanji ni Berezili ce: Anb'awladonniya kojamana fila ninnu delila ka njogon soro siñe 17, nka Berezili ye sebaaya soro siñe 10, Alimanji y'a soro siñe 3, u ye filaninbin ke siñe 4.

Min ye «KUPUDIMONDI» ALimanji ni Berezili ma deli ka njogon kurnben o la folo. A siñe folo benn ke Zapon ta in ye, bawo san 1974. «KUPUDIMONDI» senfe Berezeli ni Alimanji min ye njogon soro o ye korno fela Alimanji ye min tun ma fara tilebin Alimanji kan folo k'u ke jamanaba kelen ye. Berezili sera korno fela Alimanji na o senfe ni bi 1 ni 0 ye.

Jatemin y'a jira ko jamana fila ninnu ka kurnbenw senfe Berezili ye bi 31 don k'a soro Alimanji ma fosi don ni bi 18 te.

U ka katabaanaani folo kera san 1963, mëkalo tile 5 Hanburu dugu kono, n'o bë Alimanji. Berezili ye sebaaya soro bi 2 ni 1. U ka bi kelen donbaga kera Pele ye. U ka kurnben laban kera san 1999, zuluyekalotile 24 Mekisikijamana kono. Berezili y'o sebaaya ta bi 4 ni 0.

Berezili ni Alimanji ye jamanaw ye, minnu dønnen don dijé kono balontan na, sanko «KUPUDIMONDI» keneñ kan. Berezili bora siñe 17 dijé ntolatan warabaw ka kene in kan. Alimanji ta ye siñe 15 ye. «KUPUDIMONDI» ñanamine ñana fila ka kurnben na Berezili ni Alimanji fila bëe yer'o kene kan siñe 7, minnu senfe Alimanji ye sebaaya soro siñe 3, k'a soro Berezili ta ye siñe 4 ye.

Min ye Zapon ni Kore jamana ka san 2002 KUPUDIMONDI ye n'a kurnbenw kera jamana fila kofolen ninnu kono njogonfe, «KIBARU» ben'o kunkun n'o njenjen k'aw tege kono nimoro nataw kono.

Basiriki TURE

Jagofenw laseli be ka Mali magobatigiw degun

Degunba min be Mali kenyereyew kan bi fo a be ka ke sababu ye k'u ka soro nagasi, o ye jagofenw laseli geleyaw ye.

Mali izinikow lafasa tonba nemogo Mamadu Mukutari BAy'a jira kolajeba min kera Bamako fangaso ni kenyereye mogow ka baara nognonya kan, k'o y'a sebekoro sinsin jagofenw ladonni geleyaw kan an ka jamana kono.

Min ye jagofen yelambaliw laseli ye Mali kono a jirala k'o geleya yoro ka ca. Nk'an file yoro min na jagofen toni 200.000 tonnen don Abijan kogojidankana, minnu ka kan kaa taa Mali ni Burukina Faso jamanaw kono. Min ye Dakar ye, n'o ye Senegali faaba ye, kesudoni belebele 400 nognona dalen don ye kogojidankana.

Donitalaw ka cidenw Mamadu Abudulayi JOPU ni Lamin TARAWELE ni Mali izinikow ka mogoyamaruyalen Mamadu Mukutari Ba ka foli la geleya ninnu sirilen don donita bolifenw hake ddogoyal la ani mibilikow ka sumaya Abijan ni Bamako ce ani finitigiw ka suronfenkow ni negesira tijeni ni kodiwarikaw ka sira nebaliya.

A kolosira ko mibiliba minnu be doni ta jamanaw ni nognon ce, k'olu hake manca Mali mogow bolo. N'an ye kow da nognon koro, an b'a ye ko Gana kono i b'a soro kamiyonba 200 be mogokelen bolo, Kidiwari ta ye 100 ye. Nka Mali kono, kamiyonbaw man ca wa damadonin minnu b'an ka kenyereyew bolo olu si man ni, u bee korelen don.

O koje nana juguya ni kooriko geleya ye, bawo o kera sababu ye ka caman bo Mali mibilaw hake la. A kolosira tuguni ko ni mibilaw nana doniw jigin Mali la ka bo Abijan, u be taa kooribaara ciyakeda «SEMUDETE» la folo ka taa koori baliw ta yen ka taa n'olu ye Kidiwari. O waati kelen na kogojikan batonbaw te kotoye n'u ka doniwe, ubena minnu surudankan na. Ni mibili te yen k'o doniw ta, wajibya y'u tonni ye nognon kan.

A jirala ko tuma dow la fana mibiliba 50 nognona be lajo Abijan kono, k'a soro kun t'a la. Ni suronfenkow faral'obe kan, o ye degun kelen ye degun

kan. Kamiyonba dow falen be tile 3 ke ka soro u ma bo Abijan dafe.

Min ye finitigiw ye, olu ka janw dalen don sirakun bee la Abijan ni Bamako ce, wa sariya tu caman bolo o baara yere waleyali la. U bee b'u bolo jan mobilitigiw ye, wa n'i m'u ta d'u ma i te teme. Jatermine bora kan ko kilo 10 o 10, i be finitigiw jolen soro yen ka mibilatigiw makon. Abijan mara kono

Nafolo min be se ka d'u ma surafen ye, o kasabi be sefawari 30.000 ni 60.000 ce, k'a soro kamiyonfa nafa te teme sefawari 60.000 kan. Sirawtijeni, kasaaraw ni binkanni ni kanabaliya te ka to to Mali mibilatigiw la Abijan sira kan.

Min ye Dakar negesira ye, o te son cogosi la bi, k'a sababu ke wagon ni terenkunkolo desse ye. Magobatigi caman y'o sira bila k'u kunda Abijan sira kan geleya banbaliw sababu la, i n'a fo lakanabaliya ani sarati ntanya minenw soroli la.

Nin geleya n'u degunw ye magobatigiw ka soro nagasi, ka duwanew bali u ka baara la ani ka jagofenw dunbagaw dahirime tije.

Misali la, Abijan sira minenmobilatigiw fe k'a sababubon negesira tijeni na, o nana ni tarasipori wari

cayali ye ani do farali jagofenw songo kan.

Simon min toni kelen tun ye sefawari 17800 ye, san 2002, zanwuyekalo la, o yelenna ka se sefawari 24.000 ma. Ciden yamaruyalenw y'a jira ko Mali y'a seko ke doboli la finitigiw ka toorola sirakunw na, nka o n'a taa bee, u ko fohakilijagabolajeba doka ke jagofenw laseliko kan an ka jamana kono, walasa ka feere nemamaw siri bolifen donitalaw ka taakasegin nogoyal la jamanaw ni nognon ce.

Feere kura min bolodalen don an ka magobatigiw fe sanni fura ka soro bana in na, o ye Lome sira tali ye, bawo Togo y'a seko ke k'u deme u ka jagofenw laseli la Mali kono ani u kundali Tema kogojidankankana Gana jamana kono. Nka min ye Gana sira geleya kerenerennen ye, o ye kanko ye. Mali mibilatigiw ni ganakaw te kan kelen fo.

Lagine ni Senegali sirabaw mana dilan ka Mali kooribaara ciyakeda «SEMUDETE» ka bolifenkow laben k'ubila bolo numankan, nin bee be se ka nogoya don jagofenw laseli la Mali kono, nka o feerew si te se k'an nimisi wasa an sago la teliya la.

F. MAYIGA
Basiriki TURE.

Tulon

Nin desen fila dilanga y'a dab'a kama ka fili 10 kula. A'yolu nini.



Jaabi

1- Negen min be orbu kan kinif. 2-Bugu ntuloma do kun. 3-Bugu ciuw. 4-Jirisun bulu kelen. 5-Kogo tufa do. 6-Npogotiginin bolo kelen kinif. 7-Buguso kogo perenda do. 8-Muso bolo kelen. 9-Muso dafuruku kelen. 10-Buwati min be tege kono.

Jamanakuntigw bolofenw kofoli

An ka sariyasunba sariyaden 35nan b'a jira ko tile fila be peresidan kura bolo k'a ka sorow jira. K'a to fanga la san o san a ka kan k'a ka sorow kofo. Peresidan Alifa ni Amadu Tumani TURE y'u ka sorow jira sariyasunba kuntigi NBaraku Asikiya TURE ka yamaruya kono.

Ajirala kodujolensite Amadu Tumani TURE bolo fo du kelen n'o ye «tifiri fonsiye» ye n°13433 Bamako yan, ko dugukolo do b'a bolo Lafiabugu ani

Mananbugu; kojirifor do b'a bolo Hamudalayi, Seware. Mobilis «4 x 4» fila b'a bolo ani baganw i n'a fo ntura 15 ani saga 10. Warib'a bolobanki 5 la. Folo be «banki of Afrika» la : sefawari miliyon 30.

Filanen be BDM : sefawari 29.799 ni murumuru, kontifila b'a bolo «BDM» la wari te minnu na. A ka konti duurunan be Pari, Faransi : miliyon 20 be yen sefawari la.

Dunaani jolen be Alifa bolo : kelen be «hipodorum» la; kelen be Bulukasumubugu la Adamu Ba togo la; du do b'a bolo Korofina min sanna juru la Adamu Ba fe.

Du kelen were be Korofina, Adamu Ba ye juru ta banki la ka min san.

Dugukolo jobaliw be peresidan koro n'a muso bolo, Bamako ani Dakaru. Dugukolo do b'u bolo pankurunjiginkene yoro la min ye «titiri fonsiye» ye. Alifa Umaru Konare ye dugukolo do soro san 1981 zanwuyekalo tile 23. Dugukolo were be Adamu Ba togo la Dakaru.

Sanumasiriw b'u fe ani mobiliw. Sanumasiriw ye Adamu Ba halala ye. Sanumasiriw kiligaramu 6 ni garamu 891 ni murumuru ni garamu 53,3 ni garamu 89,5 b'a fe. Montorosanunama fila garamu 89 ni garamu 40 fana be Adamu bolo.

O kofe dakabana dumunikelanw b'a bolo minnu masirilen don ni sinuwaw

ni korekaw ka masiriw ye. Mobilis fila b'u bolo; kelen ye Alifa ta ye, kelen y'a muso ta ye. Sudan ni Mali Federason ka tenburuw be Alifa bolo. U ka konti b'ee be Mali la. Konti do b'a bolo BDM la; sefawari miliyon 48 ni 128.815 be yen. A ka konti do b'e BCS SA : sefawari miliyon 4 ni 191.600 be yen. Konti fila be Adamu Ba bolo; folo be «BIM» SA : sefawari miliyon 1 ni 91.466 ni murumuru be yen; do b'e «BCS SA» la : sefawari miliyon 58 ni



San 1992 zuwenkalo tile 8, Amadu Tumani Ture ye fanga lateme Alfa Umaru Konare ma.

85.595 juru talen don yen.

Hakilijigin na Alifa Umaru Konare tun y'a jira san 1992 zuwenkalo tile 8 ko du b'a fe «hipodorum» la ani dugukolo lotibili do, ko dugukolo do b'a bolo pankurunjiginyoro la. Alifa tun y'a jira ko dugukolo do b'a bolo Bulukasumubugu Madamu Adamu Ba Konare togo la anidugukolo were Katia Sannafara. Sanu garamu 850 ni mobilis «R 12» kelen min soro la san 1976 ani «Peziyo 305» kelen min soro la san 1992.

Wariko ta fan fe warri caman t'u kun. Peresidan ka sefawari d. 122.400 tun be «BDM» la san 1992 zuwenkalo tile 7 ka soro a muso ka sefawari d. 186.851 ni murumurutun be «BIAOLA. Nin warriw be tun be Bamako Alifa n'a muso tun be koperatiwu la min be wele ko «JAMANA» ani kalanko ni donko ka jekulu do n'o ye «MUTEC» ye.

Salimu Bajaga ni Badama Dukure

Depitew ma son...

Malidepitew ka laje do senfe u ka bulonba la, depite 83 minnu tun be kene kan, ou bees y'u ban ka sukurabirifini wuli ka bo u jenogon fila la, walasa kiiri ka boli u kan, n'o ye Naga TENBELI ni Mamadu JAWARA ye. Depitew y'a jira ko jalaki minnu binn'u kan, kise bere t'u seereyaw la fo ka se u nomineni ma kiribulon fe. Min ye Naga TENBELI ye, ale ye magobatigi ye, somi kelen don min na ko baarakela lasiglenw ka ciyakeda y'a bila fen dow sanni na min ma ke jelenya ni laadiriya kono. Kiribulon b'a fe k'a lamen n'o ya soro a be ka nominen fe minnu na ni tine don wali inkalon don. Nka o te se ka ke k'a to depiteya baara la. O de koso kiiritigelaw y'a jini depitebulon fe a ka Naga TENBELI bolo bo baara la folo sanni kow ka nedon.

Min ye Mamadu JAWARA ye, ale tun ye Mali kooribaara ciyakeda «SMUDETE» minenjinina ye, somi kelen don min na k'a ye minenw sanniko lateme jagokela dow ka bolo kan, min ma ke laadiriya ni jelenya kono.

Ni suturabirifini in bor'u la depitew ni mogotow be lajelen be gosi bere kelen na. Kiiri be se ka boli u kan, k'u don kasola. Nku te se ka momine fen were la ni suturabirifini in wulikun te.

Kirikow minisiri Abudulayi Ogotenbeli PUJUGU y'a jira goferenaman togo la ko kiiritigela doren de yamarualen don ka jamanaden jeyalaki mana bin min kan. A ka foli la, o yamaruya te depitebulon bolo wa mankan fana k'a b'o kow nejini.

Alayi LAMU
Basiriki TURE

"AMAP" kintigi Gawusu DARABO
Mali kanw kunnafonisebenw baarada kintigi Nanze Samake Kibaru
BP 24 Telefoni: 21-21-04 Kibaru Bugufiye Bozola Bamako -Mali
Dilanbagaw ni sebenbagaw kintigi Basiriki Ture Sebenbagaw kintigi Badama Dukure Labugunyoro: Kibaru gateidianbaarada Bolet Haké 16.000